



partii naleraq

19.april 2016

UPA2016/12

2017-imi akileraarutitigut ilanngaatisat il.il. imatut angissusilerneqarnissaannik Inatsisartut aalajangiinissaannik siunnersuut: 1. Inummut ilanngaat.....kr. 48.000 (ukiumut) 2. Ilangaat aalajangersimasoq.....kr. 10.000 (ukiumut) 3. Aningaasarsiat B-t akileraaruteqaataasussaannigitsut..kr. 5.000 (ukiumut) 4. Killilimmik akileraartussaataitaasut ilanngaataat.....kr. 1.000 (ukiumut) 5. Kommunitut ataatsimut akileraarut.....6% (Aningaasaqarnermut naalakkersuisoq)

Inatsisartut aningaasarsianit akileraarutit 2017-mut atuuttussat pillugit saqqummiussaq Partii Naleqqamiit oqaaseqarfigissavarput.

Nunatsinni aningaasaqarnikkut atukkat qiviaraanni assorujussuaq ilungersunartumik inissisimavugut inuit aningaasarsiakitsut assut inuuniapiloorput taamatullu ingerlaannassagutta inuit pissakinnerusut atugaat sulii ilungersunarsiaruinnartussaapput taamatullu ingerlaneq akuerinnassanerlugu eqqarsaatigisariaqalerparput.

Akileraartarnikkut ilanngaatit kingullermik 2005-mi allanngortinneqarput massakkumullu ukiut aqqanillit qaangiutereerput takusinnaasagullu malillugit aamma 2017-mut allannguisoqarnianngilaq soorunami tamanna ilungersuummernerpoq pingaartumik ukiuni makkunani inuuniarnikkut atukkat eqqarsaatigalugit,

Massakkut piffissanngorluinnaralarpoq akileraartarnikkut ilanngaatit nalilersornissaat. Tassami inuuniarnikkut atukkat aningaasarsiakinnerusut eqqarsaatigalugit pitsanngoriannngivipput, aammalu illunik attartornermi akit qaffarujussuarnikuullutik inuuniarnikkut artorsiiartuinnarmata akileraarutitigut ilanngaatit aqqinneqartariaqalarparput.

Nalunngilapummi massakkut aningaasarsiakinnerusunut atugassarititaasut inuuniarnikkut assut ilungersunarluinnartut.

Kiisalu Naalakkersuisoqatigiit isumaqatigiissutaanni takusinnaavarput 2015-mut atuukkallartussamik akileraartarnikkut aaqqiissuteqarnissat Naalakkersuisooqatigiilersut isumaqatigiissutigaat, tassanilu ersittoqanngilaq ulloq manna tikillugu suna aaqqiissutaanersoq aammalu 2016-mut aaqqiisoqanngilaq akerlianik akitsuutitnik eqqussuipput inuuniarnikkut pitsanngorsaataanngilluinnartumik.

Taamaattumik naalackersuisoqatigiinnut kammattuutigaarput akileraartarnikkut aaqqissuussinissaq tuaviornerusumik aallarteqqullugu.

Naalackersuisoqatigiit isumaqatigiissutaannik issualaarpunga”Isertitakinnerpaat aningaasatigut oqilisaaffigineqarsinnaaqqullugit inummut ilanngaat qaffanneqarsinnaanera akileraartarnermut aaqqissusseqqinnermut ilanngullugu nalilersorneqassaaq” issuaaneq naavoq.

Aammalu issuaqqilaarpunga ” Sulinermut atatillugu ilanngaat eqqunneqassaaq” taakkuinnaalluunnit eqqarsaatigalugit suliat sumut killippat? Paserusunnarpoq tunngaviatigut isumaqatigigatsigit atuutinneqalernissaat aaqqissusseqqinissarlu.

Taamtut oqaaseqarluta akileraarutitigut ilanngaatit allanngortinneqassanngippata akerliulluta taasissaagut, takusinnaavarpummi akileraarutitigut aaqqissusseqqinnissaq aallartinneqanngippat pissutsit pitsaanerulernerannik kinguneqarnaviannigitsut inuppassuimmi inuuniarnikkut artorsikkiartuinnarneqarmata.

Hans Enoksen